

causa predestinatione, & gratia profuerunt Semipelagiani, ut vidimus ex D. Prospero, & Hilario, qui tamen cum respo-

secundo probatur eadem secunda Pars. Tantum enim abest, ut postio scientie medie faciem praeferat concordiae sternat

§. II.

Ab inconvenientibus Scientia Media impugnatur.

VII. Primum inconveniens est, quod ex scientia media excitari videtur error Semipelagianorum, nempe praedestinationem ad gratiam fieri ex praevisione meritorum.

Si dixeris, praevideri quidem bonum consensum, sed non ut pendam sine gratia, & rursus etiam, stante tali praevisione Deum non moveri ad dandam gratiam, sed quia praevisionem est homo consensurus, cum liberum Deo sit cum sub illa gratia ponere, vel non ponere, quod si ponat, gratis illam ponat.

Contra est primo. Nam nec Semipelagianis gratiam omnino excludant (ut ait D. Prosper episc. saepe laudata ad S. August.) sed volebant, ut homo ideo acciperet, quia bono natura bene usus ad istam salvatorem gratiam initialis gratia ope meritorum perveniret: & ideo reprehenduntur, quia gratiam Dei, quam comitem, non praeviam, humanorum volebant meritorum voluntatibus humanis subdebant.

Secundo. Consensus, si bonus usus gratiae praevisionis futurus ante decretum de danda gratia non potest esse effectus gratiae, quia nullus effectus potest praevideri futurus pro prioris ad suam causam.

Fateor, esse quidem in Dei potestate humanam ponere voluntatem sub illa gratia, sub qua eam praevidit bene usuram, vel non ponere. At semper verum erit, quod voluntas postea in illa circumstantia consentit, & bene utitur illa gratia, quia ipsa voluit, non quia Deus, qui in tantum ab ea obtinet consensum, quia praevidit eam volutam: unde si eam non praevidisset volutam per suam gratiam consensum ab ea obtinere nullatenus posset.

VIII. Secundum inconveniens, nempe ex scientia media sequi, hominem ex propriis, & non ex acceptis se discernere contra suam exponum dictum Apostoli 1. Cor. 4. v. 7. quis enim se discernit?

Ex hypothesi enim, quod Deus praevidet, Petrum consensurum sub illa gratia A. & Paulum non consensurum, & Deus statuit Petrum sub illa gratia vel Petrus sese determinat ad consensum ex sola sua innata libertate, vel talis determinatio causanda est a gratia praevisione, vel a gratia concomitante, sed Petri determinatio non est a gratia praevisione, quam ipsi negant, neque a gratia concomitante, quam ponunt ex sua natura indifferentem, & determinandam a creatura voluntate: ergo oportet, ut fateantur, quod illa determinatio,

qua Petrus consentiens a Paulo non consentiente sub eadem gratia discernitur, sit ex propria, & innata Petri libertate.

IX. Tertium inconveniens est: quia ex positione scientie medie videtur laedi divina libertas in ordine ad operationes nostras liberas: Nam juxta Adversarios: Si Deus concurreret concursu praevio, & efficaciter determinaret voluntatem ad unum extremum suae indifferentiae, periret creata libertas: sed postea scientia media voluntas creata determinaret effectus Dei concursum, ejus indifferentiam ad unam partem stendendo, & hoc antecederet ad Dei voluntatem; ergo &c.

Urgetur. Quando Deus antecederet ad omne decretum praevide: meam conversionem sub conditione auditionis concisionis, vel potest Deus meam conversionem impedire, vel non potest. Si potest: ergo scientia illa est libera, & non necessaria Deo, quia versatur circa futurum conditionatum, quod liberum est Deo, stante conditione ponere, vel non ponere: & rursus si Deus postea meam conversionem impedire, stante praevisione de mea conversione sub illa conditione futura, posset falsificare suam scientiam mediam, sicut si de facto impediret, eam de facto falsificaret. Si autem non potest: Ergo tollitur divina libertas, quae necessitatur ad aliquid ex suppositione, libera quidem creatura, sed non sibi.

Explicatur magis: Ad hoc ut Deus sit liber respectu consensuum nostri liberi, omnino praevisionem, quod sub illo auxilio determinat, in eaque occasione, qua Petrus potest consentire, & non consentire, Deus potest ponere consensum, & carentiam consensum: sed de carentia consensum Petri, Deus ex hac suppositione sibi non libera, jam non potest in Petro ponere consensum: nam in principis scientie medie voluntas divina non potest facere, ut voluntas creata consentiat sub illo auxilio, & in ea occasione, in qua posita voluntas creata nolle se determinare ad consensum; ergo &c.

X. Respondet primo, sufficere ad libertatem Dei, quod Deus libere conferat Petro auxilium, quod possit se convertere, & non convertere, & quod Deus libere concurrat concursu simultaneo ad quocumque extremum contradictionis, ad quod voluntas Petri velit se determinare.

XI. Contra est. Si Deus nullum alium influxum haberet praeter collationem auxilii sufficientis, quo Petrus liber esset ad consentiendum, vel non consentiendum, & tali auxilio uti posset, ut vellet, collatio talis auxilii esset quidem libera, in potestate Dei: usus tamen, & determinatio talis auxilii esset certe libera, & in potestate Petri: non tamen esset libera, & in potestate Dei: sicut si Petrus daret Paulo pecuniam, ut posset emere equum, & nullum alium influxum haberet determinando Paulum ad emptionem equi, non posset dici causa libera determinationis, seu emptionis equi, sed concursus simultaneus Dei, supposito auxilio sufficienti, non est Deo liber, sed necessarius, quia in principis scientie medie concursus simultaneus Dei plene subicitur determinationi voluntatis creatae, & consequenter Deo necessarius, nisi supponatur alius concursus antecedens causans liberam Petri determinationem: ergo &c.

XII. Respondet secundo, ad libertatem divinum voluntatis sufficere, quod Deus possit determinare, consensum Petri sub aliquo auxilio, immo & sub infinitis aliis, sub quibus praevideat, eum consensurum, quomvis non possit sub hoc auxilio, & sub his circumstantiis.

Sed quis non videt, hoc esse plus potestatis arrogare libertati humanae supra factus actus, quam divina contra celebre dictum S. Augustini lib. de corrept. & grat. c. 15. Deus magis videtur in potestate voluntatis hominum, quam ipsi suam? Etenim consensum esse Petro absolute possibile sub quocumque auxilio, Deo autem hoc auxilio esse absolute impossibile.

XIII. Hinc emergit quartum inconveniens eversivum supremi Domini Dei, quod sic propono. Si necesse est, ut Deus per scientiam mediam prius exploret, quid voluntas humana factura sit in variis circumstantiis, ut se exponat periculo deservendi aliquid incertum, & quod a creata voluntate impediat, non poterit dare auxilium efficax ad vincendum, & convertendum cor durum, sive ad perseverandum, nisi explorata prius voluntate creata, & praevia circumstantia opportuna, qua sint se allici, & se flecti. Atqui hoc quomodo concurret cum supremo Dominio Dei, de quo dicitur Prov. 21. Sicut divites aquarum, ita cor Regis in manu Domini, quemcumque voluerit inclinabit illud, qui Augustinus supra relato teste, magis habet in sua potestate voluntates hominum, quam ipsi suas, qui eas quas voluerit, quando voluerit, & ubi voluerit potest in bonum convertere? Sane quis diceret Duem aliquem esse omnipotentem expugnatorem Urbium, illas posse in omni circumstantia capere, si opus haberet captare tempora, in hostiles copias exploratores mittere, strageminate uti, immo & ab obsessis expectare consensum? Talem scientia media facit Deum; ergo facit quidem illum potentissimum, & Omnipotentem nequaquam.

XIV. Sed ut radicibus hoc appareat, placeat hoc discursu sub oculis ponere. Ex admissione scientie medie, sequitur, aliquid ex habitu terminorum possibile, fieri Deo impossibile, le ex suppositione Deo non libera, & antecederet ad ejus libertatem: sed hoc est eversive Dei Omnipotentiam, & libertatem, ergo &c. Maj. postea scientia media, negari non potest. Nam Petrus in hac occasione, & sub his auxiliis sufficienter, est ex habitu terminorum possibile, & tamen supposito, quod Petrus in hac occasione, & sub his auxiliis non sit pro sua innata libertate consenturus, & hoc Deus per scientiam mediam viderit, consensus Petri in hac occasione, & sub his auxiliis sit impossibilis Deo, ex suppositione non consentus.

sentus, & scientie medie de illo, quorum neutrum est liberum Deo, & utrumque antecedit Dei libertatem. Postquamque tali scientia de non consensu Petri, non est in potestate Dei conjungere consensum Petri cum scientia media de non consensu, alioquin posset falsificare illam. Neque esset in potestate ejus ponere consensum divinum a scientia media de non consensu: ad hoc enim secundum Adversariorum principia, quibus utuntur adversus nos, necesse foret, ut in potestate Dei esset abicere a scientiam mediam de non consensu, vel facere, ut ea stante non existeret non consensum. Neutrum autem in potestate Dei est: nam nec potest a se abicere talem scientiam, quia illam habere, vel non habere in potestate Dei non est, neque facere, ut non consensum stante tali scientia non sit, alioquin illa scientia non esset infallibilis.

XV. Quare ad hominem arguo fit: omnis suppositio antecedens, quam ponere, vel auferre non est in agentis potestate si sit infallibilis, tollit agentis libertatem; sed scientia media de non consensu Petri in tali occasione est suppositio antecedens divinum libertatem; eam habere, vel non habere non est in Dei, sed hominis potestate, & infallibiliter connexa cum non consensu, ergo tollit Dei libertatem circa consensum tuentur humanum. En quomodo eadem principia, quibus nos oppugnat conantur, contra ipso convergentur.

Ab aliis inconvenientibus procedendis supersepo, quae videntur quibusvis poterit apud Nostrates. Nunc fundamenta, quibus scientia media incumbit, examinanda transgamus.

§. III.

Fundamenta Scientia Media.

XVI. Praecipuum scientie medie fundamentum est componere efficaciam gratiae cum humana libertate, sine qua sunt, hanc funditus evertit: ita gloriantur Moliniani superius audivimus. Sed audivimus etiam, hac eadem ratione illam excogitasse Semipelagianos qui tamen, nec a Prospero, nec Hilario, neque Augustino auscultati fuerunt. Praeterea quomodo fundari potest libertas creata in ruinis, & eversione libertatis divinae? Libertas creata, & secunda non subsistit: sed erit necesse est, eversa illentia, & prima; quod posita scientia media eveniret, ut ostensum est. Argumenta vero, quibus impugnetur, efficaciam gratiae laedi creatam libertatem, nisi scientia media statuat, etiamque solvemur. Nunc ea, quae directe postionem scientie medie ex ratione respiciunt, proponamus. Quae enim ab auctoritate dicuntur, superius dilata sunt.

XVII. Primo arguitur, Scientia, quae tuetur libertatem voluntatis creatae, & reddidit ex alia parte cognitionem Dei valde mirabilem, & humani ingenii facultatem in excessum superantem, consona rationi est: scientia media utrumque praestat, facit enim, ut voluntas creata se determinet, quod exigitur a libertate. Et insuper quid mirabilis, quam videre, quid futurum sit in quacumque rerum combinatione, anrequam Deus quidquam decernat? Certe hoc magis mirabile est, quam illud videre in decreto jam posito, & existente.

XVIII. Respondetur ad primam, disting. maj. tuetur libertatem modo debito, conc. maj. modo indubito: nego maj. & similiter disting. min. nego modus. Modus debitus tuendi libertatem creatam est illam constituere religiosam, & Deo subditam; non vero eam constituere irreligiosam, & independentem, qualem supponit scientia media: ut probatum est, & tractatu sequenti plenius ostendetur.

Ad secundam dico, hanc esse altitudinem sapientiae, & scientie Dei, ut ipsa, ejusque decreta antecedant; & causent omnem nostram cogitationem, & determinationem, eamque absque lesione nostrae libertatis faciant: potius quam ponere tritem nostrorum operum, a quibus dirigitur necessario in suis decretis formandis. Non talem certe agnovit S. Paulus Rom. 11. ubi postquam sese ostendit, Deum pro sua voluntate de hominibus facere quod vult, misereri cui vult, indurare quem vult, eum sigilo comparando; exclamavit: O altitudo divitiarum sapientiae, & scientie Dei, quam incomprehensibilia sunt judicia ejus, & investigabiles viae ejus!... quis consiliarius ejus fuit?

XIX. Secundo arguitur. Sicut effectus, qui est, correspondere debet causa, quae est, ita effectus, qui est, correspondere debet causa, non quae sit, sed quae esset: At futurum conditionatum non est, nec erit, sed quae sit, ergo, ut si futurum, non requirit decretum Dei, quod sit, sed quod esset.

XX. Hoc, quod adeo magnificat Adversarii, merum sophisma est. Eadem enim ratione posset sic discuti. Sicut effectus, qui est, debet correspondere causa, quae est, ita effectus, qui erit, correspondere debet causa, quae erit; sed futurum absolutum non est, sed erit: ergo non requirit decretum, quod sit, sed quod erit: quod ipsi negant. Sicut ergo ad futurum absolutum ideo requiritur decretum actu praesens, quia de re, quae erit, de praesenti actu verificatur, quod sit futura, idell quod sit nunc determinata ad esse absolute pro tali, vel tali tempore: ita cum etiam de praesenti sit verum, quod conditionate futura essent, si poneretur conditio, requiritur aliquid actuale statuens illud fore, si conditio poneretur, potius, quam non fore, cum inter conditionem, & eventum nulla supponatur intrinseca connexio.

In forma ergo respondeo, dist. maj. quae esset: si de praesenti verum sit, quod esset, nego. Si de praesenti verum non sit, quod esset, transeat maj. Ut enim nunc verum sit decretum, quod futurum illud esset, si poneretur conditio, requiritur.

ut, nunc statum sit; quod esset posita tali conditione potius, quam non esset.

XXI. Aliter diluitur hoc sophisma, disting. sic. Effectus, qui esset, debet dari causa, quae esset, idest quod ipsum exequatur, conc. maj. quae ipsum decerneret, nego. Nam ut nunc verum sit, quod esset, debet dari nunc causa decernens, ut esset si &c. sicut si dicitur: effectus, qui erit, debet assignari causa, quae erit; sed futura absoluta non sunt, sed erunt; ergo non habent causam, quae sit, sed quae erit: distingui debet maj. Causa quae erit, idest causa, quae exequatur, conc. maj. Causa, quae decerneret, nego maj. Futurum enim supponit causam, quae decernat, vel decreverit, quod erit, quia ea, quae sunt, in tantum sunt verum, quod fuerint futura, antequam essent, quia in causa sempiterna sunt, ut essent futura.

XXII. Tercio arguitur. Deus futura conditionata non cognoscit per scientiam simplicis intelligentiae, haec enim, utpote necessaria, attingit solum possibile: neque per scientiam visionis, haec namque, utpote intuitiva fertur solum ad praesentia, qualia sunt ea, quae aliquando erunt, non vero ea, quae nunquam erunt, sed essent, sed haec futuri futura conditionata de conditione nunquam ponenda; ergo cognoscit ea per scientiam mediam.

XXIII. Respondetur, aliquos velle, praefata futura conditionata cognosci a Deo per scientiam visionis, haec enim, utpote cognoscit Deus, non solum creaturas, quae aliquando erunt, & ideo sibi praesentes: sed etiam sua decreta, quae cum actu in eo sint, ideo in illis potest futura conditionata cognoscere. Sed si hoc verum est, etiam cognoscens intuitive suam omnipotentiam, in illa poterit intuitive cognoscere possibile, quia licet haec Deo praesentia non sint, illi tamen praesens est sua omnipotentia; & sic nulla dicitur in Deo scientia simplicis intelligentiae.

Quare verius respondetur, ea cognosci per scientiam simplicis intelligentiae. Esto enim futura conditionata a statu possibile inchoate videntur; cum tamen eorum existentia pendat a conditione, quae nunquam existit, ideoque meae possibili remanet, ad statum pure possibilis quodammodo retruduntur, ideoque capacia sunt terminandi cognitionem abstractivam, non intuitivam. Neque obest, quod cognitio, qua Deus ea cognoscit, utpote nixa decreto, non sit necessaria, sed libera: Quandoquidem de conceptu simplicis intelligentiae esto sit esse abstractivam, idest abstracte rem actu non praesentem, non tamen de ejus conceptu esse necesse fariam. Immo sicut scientia visionis necessaria est, quatenus terminatur ad praedicta divina, & libera quatenus attingit creaturas; ita scientia simplicis intelligentiae abstractit ab eo quod sit necessaria, & libera: necessaria quidem erit, dum terminatur ad creaturas, de quibus nullum supponit decretum, libera vero, dum terminatur ad eas, de quibus supponit decretum conditionatum objective, seu ad ea, quae essent, si poneretur conditio, sed quia conditio non est ponenda, possunt quidem esse, sed nunquam de facto erunt.

DUBIUM VIII.

An Scientia Media admittenda sit in Deo pro Angelis, Viatoribus, & pro homine in statu innocenti.

§. I.

Sententia quaestiones.

I. Quidam, qui Augustinianae Doctrinae se professores, ac sectatores esse gloriantur, dico a Deo pro praesentia natura vitatae statu ponant divinam motionem per se, & ab intrinseco efficacem, & consequenter scientiam mediam a Deo exulare faciant; ubi tamen de statu primi hominis, seu naturae innocenti, & Angelorum, dum essent in via, sermonem habent, gratiam solum versatilem, ex natura sua indifferentem, & ex consensu efficacem admittentes, pro illo statu scientiam mediam admittere coguntur: atque ita, dum de statu naturae lapsae agunt, Thomistae sunt, dum vero de statu hominis innocenti, sive Angelorum loquuntur, transeunt ad Molinianos.

II. Ita opinantibus facem praefert Irenaeus Jansenius, tum lib. de gratia primi hominis, & Angelorum c. 22. 13. & 14. tum lib. de gratia Christi cap. 2. Cum enim gratiam per se efficacem ex triplici praefertim titulo asserant Thomistae, nempe, ex indifferentia praesentis voluntatis. Secundo ex necessitate subordinatione voluntatis creatae voluntati divinae. Tertio ex infirmitate, & corruptione creatae voluntatis peccato fatuatae, & depravatae; quae, cum in privatum bonum tota propensa sit, & quasi incurvata, in Deum erigit, nisi adjuvetur, & sublevetur, non potest: Jansenius, & cum eo praefati Doctores, gratiae per se efficacis necessitatem, ex hoc uno postremo titulo repetunt. Quo fit, ut, cum nulla in homine innocente, sive in Angelis corruptela, aut depravatio esset, nec eorum voluntas foret ullo vulnere fatuata, nullam in homine puro, aut Angelis gratiae per se efficacis, sed solius gratiae sufficientis libero arbitrio versatilem, necessitatem agnoscerent, & ita sensisse S. Augustinum contendunt. Quare Thomistas contrarium docentes, Aristotelicos potius esse, quam Augustinianos pronuntiat Jansenius citato lib. 8. de gratia Christi cap. 2. An vero audiendi sint cum Jansenio Recentiores, qui se Augustinianos jactant fideles, videmus.







